

MIK 1995

GRADOVI:

Umag	20. lipnja
Rijeka	21. lipnja
Novi Vinodolski	22. lipnja
Rab	24. lipnja

REDOSLIJED IZVOĐENJA NA FESTIVALU

“MELODIJE ISTRE I KVARNERA 1995”

01. ČA MORAŠ NAVIGAT - KSENIJA SOBOTINČIĆ

(I. Frleta – M. Bobuš – R. Grubišić)

2. BOŠKARIN - BORIS VIŽINTIN VITO i MAGNOLIJA

(Đ. Novković – D. Načinović – A. Baša)

3. MARJUČA - VIM i ATLANTIS

(I. Popeskić – V. Alilović – I. Popeskić)

4. CITAVECIA - ANGELO TARTICCHIO i TNT

(L. Kadum – L. Kadum – D. Trkulja)

5. NAJBOLJA JE RIBA - ANELIDI

(B. Zahtila – Z. Vrščaj – B. Zahtila)

6. MARGARETA - KOLAŽ i ANITA RONČEVIĆ

(I. Lesica – V. Tuhtan – I. Lesica)

7. DELAN , DELAN - GALLIANO PAHOR i MORČIĆI

(M. Trošelj – M. Trošelj – D. Tolja)

8. MOJ PALITU - KARIN KULJANIĆ i klapa KRK

(V. Stanković – V. Stanković – A. Baša)

9. ZA ZERU MORA - PERO PANJKOVIĆ

(J. Forembacher – V. Juretić – J. Forembacher)

10. SKALA - TRIO RIO i MARINO FERENČIĆ

(B. Fućak - B. Fućak/ Z. Žeželić Alić – A. Valenčić)

11. SE JE KO NEGDA - VERNER BROZOVIĆ i ANDREA MARGITIĆ

(M. Margitić – Lj. Car Matutinović – T. Jakobović)

12. VA DIHE MORA - RADOJKA ŠVERKO i ženska klapa LUKA

(A. Valenčić – V. Alilović – A. Baša)

13. TU JE JUBAV MOJA - DŽO MARAČIĆ MAKI i NINO NAČINOVIĆ

(D. Paro – V. Juretić – A. Baša)

14. BRIŠKULA - ELIO PISAK i HISTRI

(A. Tarticchio – J. Crljenica – S. Belša)

15. ŠTRUKUJE ME TA MALA - BATTIFIACA

(A. Valenčić/ M. Lipovšek – M. Lipovšek – A. Valenčić)

16. JUBAV SI MOJA JUBAV - JOSO BUTORAC i VIVAK

(M. Bobuš – M. Bobuš – R. Grubišić)

17. ISTARSKO LJETO - ZORICA KONDŽA

(J. Banov – N. Ninčević – A. Baša)

18. ISTRIJANKO MOJA MILA - ĐANI MARŠAN

(B. Zahtila – Z. Vrščaj – B. Zahtila)

19. GREMO ROŽE BRATI - VESNA NEŽIĆ RUŽIĆ i SERGIO PAVAT

(Đ. Novković – Lj. Bestulić Stanković – A. Baša)

20. NEDILJA - JOZEFINA

(A. Justić – A. Morić – T. Justić)

21. SAMO BOG TE MOGA UČINITI - ALEN VITASOVIĆ

(L. Morosin – L. Morosin – A. Vitasović)

ČA MORAŠ NAVIGAT

greš sada ća
duša me boli
gledan našu sliku
i Bogu se molin

sviću san zapalila
da ti nosi sriću
za grlila sina
i onu našu miću

greš mi sada ća
a more ti diši
mladost moja
sva kroz brodi mi biži

krunicu med prsti
ja san za te splela
da mi dojdeš doma
ti za sva vremena

DO KADA ĆU SADA OPET SAMA BIT
KADI SU TI PORTI I KAD ĆEŠ SE VRATITI
KUĆA ĆE PRAZNA BEZ TEBE OSTAT
K VRAGU I SOLDI, ČA MORAŠ NAVIGAT
K VRAGU I SOLDI, ČA MORAŠ NAVIGAT

BOŠKARIN

ča će njemu vitar z mora
ni ga strah oštre bure
sve je muhe z repon stira
sve zlomija je pašture

MA JE PITOM KA I DITE
SMIH U OKU NOGE DRITE
NA SVE SAMNJE JE HODIJA
ZNA ON DI JE OŠTARIJA

rogi su mu svital kruna
dlake mehke kako vuna
boškarinu niš ne fali
deset ima on kvintali

MA JE PITOM KA I DITE
SMIH U OKU NOGE DRITE
NA SVE SAMNJE JE HODIJA
ZNA ON DI JE OŠTARIJA

sti moj na ala su
vrime teče još smo tu
još dva deca još kvartin
ti me čekaj boškarin

eviva moj galjardo
moj jelen kaparin
na svitu ni ga blaga
kako ča je boškarin

aj ča su srićni dani
na čistoj ariji š njin kantajmo
da na živi, da nan živi boškarin

MARJUČA

marjuču i mane
delil je takujin
ona j' bila bogata
a ja škovacin

marjuča je lanterna
za moj čivot bila
ka je i va najcrniji
dani mi zasvetlila

saki dan po lipovice
ona je prošećala
pul mane je pasevala
ni me abadala

lipe sviti je nosial
na vrata zlatni križ
ja se čan san zamerital
dal san za triž

MARJUČA POGJEDAJ ME,
NEĆE TI NIŠ NIKI
JA SAN TI ONISTI ČA POBIRA ĆIKI
NE TECI ZA SOLDI,
KOT BOGA JA TE PROSIN
VAŽNEJE JE ONO ČA SPOD TRIŽA NOSIN

pasevali su dani, nisan kuntenat bil
pa san odlučil da život bin promenil
videl san na ča me ženska zna natairat
pa san šal v Italiju jabuki pobirat

kad si su počivali kot zmućen delal san
i jedva živ dočekal san od plaće tisti dan
va žepi san soldi spravil na štacijon pasal
i srećan san se v opatiju svoju ritonal

z kurijeri san na tržnice dole ja bil šal
i va oštarije kumpaniju san našal
a va neku kasnu dobu kad svoj već nisan bil
žep mi je bil prazan san soldi potrošil

MARJUČA POGJEDAJ ME ...

ja opet san škovacin postal
i na marjuču stalno san po celi dan pensal
ona je svoju fificu po ceste šećala
znan da bi me pogjedala samo da je znala
da zbog nje će talijani čuda jabuki imet
da zbog nje ću vero vaje z pametun zviset

i ča je propustila samo kad bi znala
samo da me kumpanija ni bila fermala

MARJUČA POGJEDAJ ME,

nikad opatija čisteja još ni bila
saku stopu čistil san kuda si hodila
i nisan baš za hitit magari nisan fin
reci mi marjuča ti rabi škovacin

CITAVECIA

passeggiando verso il duomo
me pareva tutto nuovo
in citavecia
poi passando per san vito
go incontra un vecio amico
sempre in vena
se vegnu la compagnia
se scherzava nella via
fino a sera
se cantava allegramente
tutto ne veniva in mente
che bel me era

BEL ME ERA
BEL ME ERA IN CITAVECIA
BEL ME ERA PASSEGIARE MEDITAR
SENTO ANCOR ODOR DI MUFFA IN CASA VECIA
ME PIASEVA DIVERTIRME IN LUNA PARK

BEL ME ERA BEL ME ERA IN CITAVECIA
A SENTIR QUELL' ORA BATTERE COSI
ERO LA VICIN LA TORRE A SPETTAVO
IL PRIMO AMORE CITAVECIA
NON SE SCORDA POI COSI
NAJBOLJA JE RIBA

segutra oko deve
od sunca gori svod
na rivi čuda svita
u luku stiže brod
na krmi sidi ante i ribari svi
kašete sve su pune i svi su veseli

DA NAJBOLJA JE RIBA FRIŠKA PEČENA
MALO ČEŠNA BILEGA I ULJA OD MASLINA
ZAD UHA SAMO FALI ZELEN RUŽMARIN
DA KUMPA NIJA VIDI KI JE MUŠKARDIN

MARGARETA

rožice moja daj reči mi ti
kade je moj dragi dve ga noči ni

sinoč dragi tvoj je pil i kantal
z drugon dragi tvoj do polna je spal

MARAGARETA, MARGARETA, MARGARETA
REČI MI, DA L' ME VOLI, AL' NE VOLI
MARGARETA REČI MI,
RAJSKA ROŽA PAKLU VRELI SVETIĆ BELI REČI MI
DA L' ME JUBI, AL' ME VARA,
MARGARETA REČI MI

rožice moja sad reči mi ti
kade mi je draga aš je doma ni

tvoje drage ni, pul dragega spi
aš tista ne čeka več od dva dni

MARAGARETA, MARGARETA, MARGARETA

DELAN, DELAN

zač te doma nikad ni
mater se jadi
ala reci nan ti veli zgubidan

zač kuće svoje
ti dojdeš samo spat
zač te nikada ni i kada ćeš stat

s miron ne puščajte aš glava me boli
ki će van kupit novi postoli

knjigi ke van rabe skupe su kot vrag
ala dičina cito ne znate ča je glad

AKO NIMAŠ SOLDI NIMAŠ NIŠ ZA JIST
PRAZNEG TAKUJINA SAM ČEŠ SEBE GRIST
ZATO DELAN, DELAN, DELAN, CELI DAN I NOĆ
KI MI NE VERUJE MORE Z MANUN POČ

pogledaj si ta trbuh
ni ti baš slabo, najdeš vremena za litru belega

ma ne znate dasan brižan drugega mi ni
kad prihajan doma

MOJ PALITU

lip je barbat
lip je rab
suha putna i banjol
lipa j' draga i lopar
a meni je najlipši moj palit

PALITU MOJ PALITU
MOJE MISTO MALO
TU SAN MLADOST PROŠLA
MA VAVIK BIT ČEŠ MI DRAG

PALITU MOJ PALITU
MOJE MISTO MALO
TU SAN MLADOST PROŠLA
NOSIM U SRCU TE SVOM

ZA ZERU MORA

daj mi dušo tvoju ruku
da te ne zapljusne val
kad brod već zazlati
i na sakoj barki
prvi zasvitli feral

češ mi dušo da tu ruku
da te rivun prošećan

i da ti povin da ta svit ni bel
a to veruj mi dobro znan

JA BIN DAL CELI SVIT
DA MOREN DOMA BIT
DA MI JE VA KVARNERU
ZNET MOJGA MORA ZERU
AŠ SAN VEĆ BRODA SIT

I DAL MIN CELI SVIT
DA MI JE S TOBUN BIT
DA MOREN VA KVARNERU
ZNET MOJGA MORA ZERU
I SRIĆUN SE NAPIT

SKALA

odlučil sam jedan dan
da neboder popituran
va njem živi moja mala
s petog kata mi j' mahala

fanjski san se za pinel držal
kako ne bi doli skale pal

pratil san se po armaduri
videl san je kroz poneštru
svijala se j' va korzetu

i ja san va kamari bil

ti si vani na špagu visel

a mi smo nališali rok kazetu

ja te volin, moja mala
pod nogami mi j' pukla skala
i ja san pal

ča me nisi zval

ja te volin za krepat
krepat ću ma neću molat

ma ti ne mariš, ma ti ne mariš
ja te volin za krepat, ču krepat ma ne molat

bit će moja

neće tvoja aš je moja

ja san boji

ja san lipši

ja san navigal na strancu

a ja san je buševal na klancu

kot pas an na misec lajal

a ja san je smiron obahajal

naša mala za nas ne mari,
a mi smo več stari tovari

neboder se preveć zgorun diže
vile s parkon su punoniže

nać ću tamo novu malu

a ja ću ti pridržati skalu

ja san te volel moja mala,
zarad tebe mi je pukla skala i ja san pal

ča me nisi zval
ja san je volel za krepat
nisi krepal ma si molal
aš jubav je niže
puno zemji bliže,
puno zemji bliže

SE JE KO NEGDA

sunce j' šlo spat
kako i vavik misec visi ozgora
ko nonina pogača žut

svetli na svit
znova ko saki put curi misecčina
z njega ko vrbničko vino belo

BIL JE JENPUT JEDAN SVIT
SAD GA VEĆ NI
SE JE KO NEGDA
MA OPET KO DA NI

ZI SRCA MI RASTE KAMIK
O KI SE SPOTIČEN
NA SE ČA MI SE OTELO
I ČA J' PASALO SE
VA HUJ VRIMENA

deca se na terace na skrivač igraju
broje do deset: ki je ki ni ja gren
dve divojčice, sestrice na pergulu kantaju
šuškeće z lišćen veli barbin klen

VA DIHE MORA

deseto će leto za ki dan pasat
od kako si partil ti navigat
za vazanj je pasalo
jušto pet let
ma ja još neću crninu znet

sa ova leta bez tebe san bila
z ovemi rukami san decu zgojila
od dana kad su tvoju robu poslali
pod bogun smo sami nas tri ostali

VA DIHE MORA
SAN TE ISKALA
SU SVOJU VERU
BOGU SAN DALA
ISKALA DA MI REČE
ZAČ TE J' MORE ZELO
KAD SRCE SI IMEL
ZA CELI SVET VELO
KAD SRCE SI IMEL
ZA CELI SVET VELO

pul postěji si još držimo tvoje sliki
i vero te zamenit nikad neće niki
saki od nas za te suzu još pusti
kada zavečeru sednemo nas tri

pod poneštrun po celi dan more šumi
i va saken valiće z nami još si ti
sa leta pred nami ka će još pasat
ni more, ni jubav neće našu fermat

VA DIHE MORA...

aš tega dana kad navigat si šal po more
si rekal da će boje bit, a prišlo je gore
sada ti i sin oteje poč navigat
i sen govori da gre oca na more iskat

TU JE JUBAV MOJA

kad ja obajden tvoju grobnišćinu
i z okon kad dotaknen stari grad
i kad te ja zagrlin uz ričinu
moju jubav dajen srcen rad
a kad se misec digne nad primorjen
i kad mi ono prvin snon zaspi
vrnjan se vavik dragon kraju mojen
nigdi na svitu za me lipšeg ni

**TU JE JUBAV MOJA
I KLAPA STARA
A LIPI KANAT NAŠ
LETI VA NOĆ
SOPE ARMONIKA
PRATI GITARA
NE, NI JOŠ VRIME NI
ZA DOMA POĆ**

BRIŠKULA

čuješ mene tone
ti ne slušaj vicu
hoj mi u baštone

hiti rela eli tricu

kariga imam dva
i oba furešta
a uva briškula
če nan biti šesta

a ti ive uvamo
daj mi lipo špade
mi zogati znamo
suh je barba rade

aj ča punti imamo
pedeset i jenoga
daj ti meni samo
unega fatna svoga

DRŽI TONE HARTE ZGORU
SAD MI HITI AŠA
ONI NIŠ NE MORU
BRIŠKULA JE NAŠA

ŠTRUKUJE ME TA MALA

još ko miči san se mala
va te bil ja zajubil

ma na te nisan abadala
siromah si brižan bil

povedi mi onda
zač si me oženila

e sad vidin mali moj
da san jako pogrešila

ne zna ta brižna mala
ča ću joj parićat
sakega dana va
kampanje će kopat

nisan za kampanju
na me to ne sličiči
ja san rojena za zlato

bracoleti i pelici

STRUKUJE ME TA MALA
KAKO DA SAN LEMUNCIN
I SAKI DAN JE JUDI
SE PRAZNEJI TAKUJIN

NISAN TI JA KRIVA
ČA SI PONEMEL
PRAVO TI I BUDI
KAD ŽENIT SI ME OTEL

JUBAV SI MOJA JUBAV

smutile su me tvoje oči
smutil me tvoj smih
tancala si kot šajeta
bila lipša od svih

tvoje ruke oko vrata
i ja san bil kot nem
otac tvoj me gledal
znal san da ne smen

pravi bušić si mi dala
a ja san bil lud
za tobun san tekal
iskal san te posvud

ljubav si moja bila
i vavik ćeš bit
smutile su me tvoje oči
smutil me tvoj smih
smutile su me tvoje oči
smutil me tvoj smih

LJUBAV SI MOJA LJUBAV
I TO ĆEŠ VAVIK BIT
LJUBAV JEDINA, LJUBAV
DOK TRAJE SVIT

dvoje dece smo zgojili
i volel san bit otac
sede san si brojil

a sanjal san tanac

bil san vavik luk
i mislel san da san mlad
za sebe jedino znan
da volin te i sad

ISTARSKO LJETO

pored mora ispod bora
gitara je svirala
upeklo je ludo sunce iznad istre,
a ja sam se zaljubila

vjetar nosi sol u kosi
duga zlatna obala
na kamenu kao ležaju od svile
ja sam se zaljubila

PLOVIMO
NA KRAJ SVIJETA TI I JA
LETIMO
GORE IZNAD VALOVA
PLOVIMO
SVE JE DALJE OBALA
JA SAM SE ZALJUBILA

MAKAR NISAM HTJELA TO

ISTRIJANKO MOJA MILA

istrijanko moja mila
bog ti svu lipotu da
najlipša si ti na svitu
ti si zame rođena

PRIJE ĆE SE RASTAVITI
I DUŠA I TILO
NEGO ČA ĆU JA OD TEBE
MOJE ZLATO MILO

istrijanko moja mila

kao zjena oka mog
prati mene svake noći
zvizdo neba jadranskog

GREMO ROŽE BRATI

kamo tečeš mala
neka delo čeka
ko biš se fermala
ništo bin ti reka
vešta ti je lipan
pušti delo stati
ma gremo rože brati

makni mi se s puta
vrimena ja niman
vero san te štufa
da se s tobom rivan
robu moran prati
užinu prontati
ne gremo rože brati

ROŽE BILE, MEKA TRAVA,
KAKO ZELENA PUNJAVA
ČA SE SADA VADIŠ
JOŠ ME JAČE JADIŠ
PAMET MI SE POMUTILA
MA ŽLJEPU ČU TI DAATI
NE GREMO ROŽE BRATI

dojdi malo bliže
daj mi srcu mira
blizu tvoje hiže
traktor san parkira
sve do misečine
ja ću te peljati
ma gremo rože brati

samo mi zadivaš
okolo se skirvaš
breka ću molati
pa moreš škercati
ko ne budeš pravi
ja ću oca zvati

ne gremo rože brati

NEDILJA

još od kad smo ica bili
vavik smo na jutarnju hodili
spravljale su nas none i mame
i vavik su one fugale

spravljale su nas na mašu
na užancu kršćansku našu
vavik je to bil sveti dan
i još ga se vavik domišljan

NEDILJA, NEDILJU MINJA
SVAKA JE SVETIJA
SVAKA DRAŽA NAN SVIMA
NEDILJA, NEDILJU MINJA
MA ZAME, BEZ TEBE, KODA JE NIMA

polne već pomalo tuče
čuje se do sake kuće
doma nas svih zove
a meni je s tobun boje

NEDILJA, NEDILJU MINJA ...

potle maše prošećat
s tobun proćakulat
par điri pasati uz more
pa neka o nami govore

NEDILJA, NEDILJU MINJA ...

SAMO BOG TE MOGA UČINITI

nikad tako velik misec
nikad tako tepal zrak
nikad slađe usne
ud tvojih nis prova
stija bi da mi svaka noć
tako pasa

nikad lipše jutro
na stanici z mlikon kafe
nikad slađe usne
ud tvojih nis prova
stija bi da mi svaka noć
tako pasa

SAMO BOG TE MOGA UČINITI
I KAD TE DELA NA ME JE PENSA

SAMO BOG TE MOGA UČINITI
KAKO DA JE ZNA
DA ĆEŠ KAD TAD BITI MOJA
DA ĆEŠ KAD TAD BITI MOJA